



BOSNIA AND HERZEGOVINA  
Ministry of Human Rights and Refugees

Na osnovu člana 21. i 23. Zakona o izbjeglicama iz BiH i raseljenim licima u BiH („Službeni glasnik BiH“, br. 23/99, 21/03 i 33/03), Odluke o preusmjeravanju i raspoređivanju sredstava po namjenama i iznosu sredstava za 2023. god. broj: 01-41-1-2071-4/23 i Odluke o načinu i procedurama odobravanja sredstava udruženih u Fond za povratak BiH namijenjenih za realizaciju prava iz Aneksa VII Dejtonskog mirovnog sporazuma broj:01-41-1-2071-3/23 ,  
Ministarstvo za ljudska prava i izbjeglice Bosne i Hercegovine objavljuje

**JAVNI POZIV**

**za dostavljanje projektnih prijedloga za obnovu i izgradnju komunalne, socijalne infrastrukture i elektrifikacije stambenih jedinica na prostorima na kojima žive raseljena lica i povratnici iz sredstva za 2023. godinu**

**Finansijska sredstva**

Odlukom Komisije za izbjeglice i raseljena lica BiH o preusmjeravanju i raspoređivanju sredstava po namjenama i iznosu sredstava za 2023. godinu, za projekte obnove i izgradnje komunalne i socijalne infrastrukture i elektrifikacije stambenih jedinica na prostorima na kojima žive raseljena lica i povratnici, raspoređena su sredstva u ukupnom iznosu od 2.142.714,74 KM

**Pravo na dostavljanje projektnih prijedloga**

Pravo na dostavljanje projektnih prijedloga, Ministarstvu za ljudska prava i izbjeglice BiH (u daljem tekstu: Ministarstvo):

- Za projekte obnove i izgradnje komunalne infrastrukture imaju općine/gradovi u BiH i Brčko Distrikt BiH, a za projekte socijalne infrastrukture gradovi, općine i crkve i vjerske zajednice. Javne ustanove i nevladine organizacije mogu aplicirati isključivo putem općina, gradova i Brčko Distrikta BiH za projekte obnove i izgradnje komunalne i socijalne infrastrukture.
- Za projekte elektrifikacije imaju općine/gradovi u BiH i Brčko Distrikt BiH, koji su utvrdili da na njihovoj, kandidovanoj projektnoj mikrolokaciji, kontinuirano ili povremeno žive povratnici u postojećim, obnovljenim stambenim jedinicama ili stambenim jedinicama čija je rekonstrukcija u toku ili je završen izbor korisnika pomoći u nekom od projekata obnove stambenih jedinica, koje su prije rata imale registrovan priključak na elektromrežu, a u vrijeme dostavljanja prijave, zbog uništene elektromreže, nemaju omogućeno priključenje.

Ranije dostavljeni projektni prijedlozi, zahtjevi, informacije o potrebama u obnovi i izgradnji komunalne i socijalne infrastrukture i elektrifikacije stambenih jedinica kao i aplikacioni obrasci i slično ne mogu biti predmet razmatranja.

**Predmet projektnih prijedloga**

Predmet projektnih prijedloga može biti:

- Izgradnja i saniranje putne infrastrukture,
- Obnova i izgradnja vodosnabdijevanja i kanalizacije,
- Saniranje socijalne infrastrukture (ambulante, škole, domovi kulture i vjerski objekti) i
- Obnova elektromreže sa ciljem priključenja stambenih jedinica;

**Izrada i način dostavljanja projektnih prijedloga**

Projektni prijedlozi su na propisan način popunjeni i ovjereni aplikacioni obrasci za iskazivanje potreba u obnovi i izgradnji komunalne, socijalne infrastrukture i elektrifikacije stambenih jedinica povratnika i raseljenih lica.

Za svaki navedeni predmet pomoći izrađen je aplikacioni formular koji je dostupan na veb-stranici Ministarstva [www.mhrr.gov.ba](http://www.mhrr.gov.ba), a može se preuzeti i u regionalnim centrima Ministarstva, na sljedećim adresama:

- Regionalni centar Sarajevo, Vilsonovo šetalište 10, Sarajevo, tel. 033/714-207
- Regionalni centar Banja Luka, Vidovdanska bb, Banja Luka, tel. 051/223-580
- Regionalni centar Mostar, Kralja Zvonimira 13, Mostar, tel. 036/555-841 i
- Regionalni centar Tuzla, 4. Aprila broj 1, naselje Miladije tel. 035/253-603.

Projektni prijedlog (na propisan način popunjen i ovjeren aplikacioni formular ) kovertira se i poštom dostavlja na adresu: Ministarstvo za ljudska prava i izbjeglice BiH, Trg BiH broj 3, 71000 Sarajevo, sa oznakom JAVNI POZIV – dostavljanje projektnih prijedloga za obnovu i izgradnju komunalne, socijalne infrastrukture i elektrifikacije.

**Projektni prijedlog mora sadržavati i fotodokumentaciju sa lica mjesta, kao i oznaku lokaliteta putem google mape (prilog uz popunjen aplikacioni formular) predmeta projektnog prijedloga za obnovu i izgradnju komunalne , socijalne infrastrukture i elektrifikacije, na osnovu koje se može utvrditi stvarno stanje potrebe za obnovu i izgradnju.**

#### **Finansijska vrijednost projektnog prijedloga**

- maksimalna finansijska vrijednost po projektnom prijedlogu iznosi 100.000,00 KM.

#### **Rok za dostavljanje projektnih prijedloga**

Rok za dostavljanje projektnih prijedloga je 21 dan od dana objavljivanja Javnog poziva.

#### **Kriteriji za izbor prioriternih projektnih prijedloga**

##### **Za projekte obnove komunalne i socijalne infrastrukture su:**

- broj direktnih korisnika (porodice povratnika i raseljenih lica)
- iznos traženih sredstava po projektnom prijedlogu
- finansijska vrijednost po korisniku projekta (po porodici povratnika ili raseljenih lica)
- sufinansiranje projektnog prijedloga.

##### **Za projekte elektrifikacije su:**

- ukupan broj obnovljenih stambenih jedinica povratnika/raseljenih lica za svaki kandidovani projekat;
- ukupan broj povratnika/raseljenih lica za svaki kandidovani projekat;
- ukupan broj stambenih jedinica u kojima povratnici žive stalno;
- ukupan iznos traženih sredstava po svakom kandidovanom projektu;
- iznos traženih sredstava po jednoj stambenoj jedinici;
- iznos traženih sredstava po povratniku/raseljenom licu;
- sufinansiranje projektnog prijedloga;
- neminiranost područja elektrifikacije.

#### **Procedura izbora i realizacije projektnih prijedloga**

- Ministarstvo zaprima projektne prijedloge, evidentira i sistematizuje dostavljene podatke, te izrađuje izvještaj o rezultatima Javnog poziva.
- Po potrebi, Ministarstvo putem svojih regionalnih centara obavlja terensku kontrolu podataka prezentovanih u projektnim prijedlozima.
- U svrhu izrade prijedloga liste prioriternih projektnih prijedloga, Ministarstvo imenuje članove Komisije za izbor prioriternih projektnih prijedloga.
- Nakon vrednovanja projektnih prijedloga, Komisija za izbor prioriternih projektnih prijedloga izrađuje prijedloge lista prioriternih projektnih prijedloga i dostavlja ih Komisiji za izbjeglice i raseljena lica BiH.
- Komisija za izbjeglice i raseljena lica BiH donosi odluku o izboru i finansiranju projektnih prijedloga za obnovu i izgradnju komunalne, socijalne infrastrukture i elektrifikacije stambenih jedinica.

- Izabrane projektne prijedloge za obnovu i izgradnju komunalne i socijalne infrastrukture na prostorima gdje žive raseljena lica i povratnici realizuju općine/gradovi, Brčko Distrikt BiH i vjerske zajednice (podnosioci projektnih prijedloga), a izabrane projektne prijedloge za elektrifikaciju stambenih jedinica realizuju općine/gradovi i Brčko Distrikt BiH (podnosioci projektnih prijedloga) u saradnji sa nadležnim elektrodistribucijama.
- U skladu sa procedurama, Ministarstvo nadzire realizaciju izabranih projekata.
- Fond za povratak BiH, u skladu sa svojim procedurama, finansijski realizuje izabrane projekte.

Neblagovremeno dostavljeni projektni prijedlozi neće biti razmatrani.

Sve dodatne informacije u vezi sa Javnim pozivom mogu se dobiti na brojeve telefona: 033/703-950 i 033/703-948, ili na navedene brojeve telefona regionalnih centara



Broj: 01-41-6-2223-1/23  
Sarajevo, 28.11. 2023. godine